

M098: Wessobrunner Glaube u. Beichte II

- 1,1 Ich glovbe an ain got . uater almahtigin der der
 1,2 scheffar ist . himiles . unte der erde . Ich glovbe an sinen
 1,3 ainborn sun . unsern herren . Ih-m xp-m . Ich glovbe daz
 1,4 er emphangin wart . uone deme heiligin gaiste .
 1,5 Ich glovbe . daz er geborn wart . uone miner frowen
 1,6 sancte mariun . der euuigin magede . warre got .
 1,7 warre mennesche . Ich glovbe daz er in dirre werlte
 1,8 was . als ain anderre mennesche . ane sunde aine .
 1,9 Ich glovbe daz er geuangin wart . daz er gemartiroet wart .
 1,10 daz er an z cruce genagilt wart . unte dar an restarb .
 1,11 nach der mennischait . niut nach der gotehait . Ich glovbe
 1,12 daz er pegraben wart . Ich glovbe . daz er ze helle fuor .
 1,13 unte dannan loste . alli . die sinen willen getan heten .
 1,14 Ich glovbe . daz er rstuotent . an dem dritten tage .
 1,15 Ich glovbe . daz er zi himile fuor . an dem uiercigistim
 1,16 tage . nach siner urstende . unte da sizzit . ze der
 1,17 zesuwn . sinis ewigin uater . ime ebinewiger . ime
 1,18 ebingewaltiger . Ich glovbe . daz er dannan kumftich ist .

 2,1 ze tailn al manchunde . iegilichen nach sinen werken .
 2,2 Ich glovbe an den hailigin gaist . Ich gelovbe . daz die dri bennede
 2,3 s uaters . unte sunes . unte des heiligin gaistes . ain warre
 2,4 got ist . Ich glovbe ain xp-inhaith . heiligi . allichi . potilichi .
 2,5 Ich glovbe die gemainde aller gotes heiligin . ubi is se garne .
 2,6 Ich glovbe den antlaz . aller miner sunden nahc warre riwe .
 2,7 Ich glovbe die urstende minis flaischis . Ich glovbe den
 2,8 ewigin lib . am- . Dizze ist der heilige glovbe . der ain
 2,9 bischirmidi iu sin schol . wider m tiuuili . unde uuidere
 2,10 allin sinen aniechtun . Nu kit diu heiligi schrift . der
 2,11 glovbe der sii tot . an diu werch . die z em heiligin glovben gestent .
 2,12 Swa r diu werch nu begangen habet . diu den heiligin glovben
 2,13 ann iu rtot haben . der uergehet dem almahtin got . unte
 2,14 rgebit iuch schuldigi in sine gnade . daz nach warre riwe
 2,15 unte nach warem antlätze so gitaner werche . diu werch
 2,16 ann iu uf stente werden . diu den heiligin glovben
 2,17 ann iu lebente machen . Al nach der glovbe . so
 2,18 ich fregehen han . so widersag ich dem tiuuile . unte
 2,19 allin sin zierden . unde allin sin werchen . unte bigihi

- 2,20 dem almahtigin got . miner frown sancte Mariun . mime
2,21 herren sancte Michel . unte allin gotes engilin . mime herren
2,22 sancte Iohannes . unte allin gotes wissagin . mime herren
2,23 sancte Petre . unte allin gotes poten . mime herren
2,24 sancte Stephan . unte allen gotes martyrn . mime herren
2,25 sancte Martin . unte allin gotes pihtarn . miner frown
2,26 sancte Margareten unte allin gotes mageden . disen heiligen unte allin
- 3,1 gotes heiligen . den uirgihi ich . aller der sunden .
3,2 die ich ie getet . an danchen . an Worten . an werchen .
3,3 sider des tages . daz ich alrerst gesunden mahte . unze
3,4 an disin huitigin tach . Ich pin schuldik worden . an spotte .
3,5 an lahtter . an nid . an hazze . an ubirazzini . an ubirtrunchini .
3,6 an lieginni . an swern . an mainaiden . an
3,7 hohferti . an unrehtimi truren . an unrehtir frowde .
3,8 an girschait . an unchuschi . liebs unde muotis . Die heiligen
3,9 dietfastun . unte andir uastun . die mir
3,10 gesezzit sint . die n bhielt ich nie . so ich uon rehte
3,11 solt . Die sunnuntage . unte andire die tulttage .
3,12 die ich bhaltin solti . die n gert ich nie . mit ter
3,13 uirre . mit ten kirchgangin . mit tem offere . mit
3,14 tem almuosin . so ich uon reht solt . daz riut mich .
3,15 Min sunte . die n klagit ich nie . mit ter innikait .
3,16 mit ter riwe . so ich uon rehte solt . Ouch die buozze .
3,17 die ich pstuont umbi mini sunte . die n glaist ich
3,18 nie . so ich uon rehte solt . daz klag ich .
3,19 Des ubilis des ich nu geruort han . unte
3,20 alles des ubilis . daz got hie zi mir waiz .
3,21 des rgibi mich schuldigin . in sine gnade . unte
3,22 in die gnade . allir siner heiligen . unte in iwer
3,23 gnade . unte bitt iuch . daz ir mir antlazzes
3,24 wnsket . uone gote . uone siner muoter .
3,25 uone allin sinen heiligen . Misereatur . Indulg- .